

佛說進學經

宋居士丑集京聲譯

聞如是一時佛遊舍衛祇樹之園須
遠精舍大賢衆千二百五十人佛告
諸比丘有四雅行智者常遵丈夫所
修達士恒奉不才愚夫所不好樂何
等為四孝事父母悅色養足守仁行
慈終始不煞惠施濟之未曾悞逆遭
值聖世捐禁領道是四雅行智者所
遵丈夫所修達士所奉不才愚夫所
不好樂佛時頌曰

智者稱孝 愍命慈活 放施普給
超俗崇寂 如是正業 明士所習
聖見已具 定至無為

佛告比丘復有二法若在閑宴或處
大衆心行莫慙一者靜寂賢聖默定
二者博學講論遠義又有二施飲食
美味以安身命敷散經典開微悅聽
食施安身法施遷神一事雖快法施
為最是以比丘念演妙法宣慧莫癡
既自洗濯并淨塵著如是道法永度
無窮乃名出家具足覺了佛說經竟
比丘歡喜作禮受教

佛說進學經

佛說進學經

校勘記

- 一 底本，麗藏本。
- 一 六六一頁上一行「佛說」，**疏**無。
- 一 六六一頁上七行第一一字「足」，**疏**、**普**、**南**、**徑**、**清**作「之」。
- 一 六六一頁上一二行第六字「命」，**疏**、**普**、**南**、**徑**、**清**作「念」。
- 一 六六一頁上一六行第三字「心」，**疏**、**普**、**南**、**徑**、**清**作「必」。
- 一 六六一頁上一七行「飲食」，**疏**、**普**、**南**、**徑**、**清**作「飯食」。
- 一 六六一頁上一九行第九字「一」，**疏**、**普**、**南**、**徑**、**清**作「二」。
- 一 六六一頁上二二行第一三字「經」，**疏**、**普**、**南**、**徑**、**清**無。